


Nettengd Biblía fyrir börn

kynnir



Kraftaverk Elísa



Höfundur: Edward Hughes

Myndskreytingar: Lazarus

Þýðandi: Práinn Kristjánsson

Aðlagð af: Ruth Klassen

Saga 25 af 60

www.M1914.org

Bible for Children, PO Box 3, Winnipeg, MB R3C 2G1 Canada

Skilmálar: Þér er heimilt að afrita eða prenta þessa sögu, en ekki selja.

Íslenska


Icelandic

Hann var að plægja með 12 sameykjum og vantaði einn uxann, en Elísa lét það ekki aftra sér, heldur lét hann sig hafa það og tók sjálfur stað uxans sem vantaði.



1

Hann hlýtur að hafa verið hraustur, hugvitssamur og harðduglegur maður.



2



Á meðan Elísa var að plægja, kom Elía spámaður og kallaði á hann. Elísa yfingaf þá bú sitt til þess að þjóna Guði.

3



Dag nokkurn tók Guð Elía upp til himna í stormviðri. Þá var Elísa orðinn spámaður Guðs til Ísraels.

4



Sorgmæddur yfir brottför Elía, Elísa bað Guð að gefa sér kraft eins og hann hafði gefið Elía.

5



Síðan tók hann upp skikkju Elía, og sló á rennandi vatnið eins og Elía hafði gert. Vatnið klofnaði og skipti sér til beggja hliða.


Þá vissi Elísa að Guð var með honum.

6



Á leið sinni til Betel mætti Elísa hópi unglunga sem hæddu hann og kölluðu til hans, "Farðu upp skallahaus". Elísa snéri sér við, leit til þeirra, og formælti þeim í nafni Drottins. Þá komu tvær birnur út úr skóginum og rifu í sundur 42 þeirra.


7



Dag nokkurn hitti Elísa ekkju eina er átti í erfiðleikum með að borga skuldir látins eiginmanns síns.

Lánardrottinnar hennar ætluðu að koma og taka syni hennar sem þræla uppí skuldina.


8



"Farðu og fáðu lánuð ílát hjá öllum nágrönnum þínum ... tóm ílát," sagði Elísa. Nú var eitthvað undursamlegt um það bil að ske hjá konunni.


9

Ekkjan átti aðeins eina litla krús af olíu heima hjá sér. En olían úr littlu krúsinni hélt áfram að renna og fyllti öll ílátin sem fengin voru að láni. Ef ekkjan hefði haft baðker í húsinu, mundi Guð hafa fyllt það líka? Ekkjan seldi síðan megnið af olíunni, og bjargaði þannig sonum sínum.




10

Kona nokkur og maður hennar, útbjuggu lítið herbergi á heimili sínu fyrir Elísa er hann átti leið um. Þau settu rúm, borð, stól og lampa í herbergið, sem þau tileinkuðu Elísa er hann kom í heimsókn.




11

Elísa velti fyrir sér hvernig hann gæti endurborgað góðsemi hjónanna. Þegar honum lærðist að þau væru barnlaus, sagði hann við konuna, eitthvað sem hún átti erfitt með að trúa. "Um þetta leyti næsta árs, munt þú faðma að þér son þinn." Ári síðar, ól konan son.




12

Nokkrum árum síðar er drengurinn var úti á akri með föður sínum. "Æ, höfuðið á mér, höfuðið á mér" sagði hann. Drengurinn var borinn til móður sinnar og dó í kjöltu hennar um hádegisbilið.




13

Móðirin tók skjóta ákvörðun. Hún lét þjón sinn söðla asnann í snatri, og hvatti hann til að fara fljótt yfir til að finna Elísa.



14

Elísa kom, fór uppá loft, og bað til Guðs. Guð vakti drenginn aftur til lífs. Elísa kallaði þá á móðurina til að hlúa að syni sínum. Þvílíkt kraftaverk!



15

Sýrlenski hershöfðinginn Naaman var bæði hugaður og sterkur og í hávegum hafður hjá konungi, en þjáðist af líkþrá.




16

Kona Naamans hafði unga stúlku sem þræl er hafði verið tekin til fanga í Ísrael. Hún sagði við húsmóður sína, "Ég vildi að Naaman mundi fara til spámannsins í Samaría, þá mundi hann læknastr af líkþránni."



17

Naaman lagði af stað án tafar til að hitta spámanninn. Hann tók með sér falleg klæði, silfur og gull, til gjafa.



18

Þá sendi Elísa fylgdarmann sinn til að segja honum, "Farðu og baðaðu þig 7 sinnum í Jórdan og þú munt heill verða." Naaman reiddist við.



19

Því gæti hann ekki alveg eins baðað sig úr hinum hreinu, fersku ám Sýrlands? Í reiðinni snéri hann við og hélt heim á leið.



20



Sem betur fór, fyrir Naaman, tókst þjónum hans að sannfæra hann um að hlýða orðum Elísa.

21



Naaman fór nú og baðaði sig 7 sinnum í ánni og læknaðist hann eins og Elísa hafði sagt. Þá trúði Naaman á hinn eina sanna Guð, Guð Elísa, sem hafði læknað hann af líkþránni.

22



Guð hélt áfram að nota Elísa eftir dauða hans. Dag einn var maður grafinn í hellinum sem Elísa hafði verið grafinn löngu áður.

23



Er líkami dauða mannsins snart bein spámansins, lifnaði maðurinn við og reis upp. Guð, svo sannarlega, sýndi sinn mikla kraft í gegnum þennan trúfasta og dygga þjón sinn.

24

Kraftaverk Elísa

Sögu þessa úr heilagri ritningu, biblíunni,
er að finna í

Fyrri Konungabók 19,
og Síðari Konungabók 2-13

“Þegar orð þín ljúkast upp, ljóma þau.”
Sálmarnir 119:130

Guð veit að við höfum öll gert rangt af okkur, sem hann kallar synd. Hegning syndarinnar er dauði.

Guð elskar okkur svo mikið að hann sendi son sinn, Jesú, til að deyja á krossi til að borga fyrir syndir okkar. **Jesús lifnaði á ný** og fór aftur til himnaríkis. Nú getur Guð fyrirgefið syndir okkar.

Ef þú vilt snúa baki við syndum þínum, segðu þá eftirfarandi til Guðs: Góði Guð, ég trúi að Jesús hafi dáið fyrir mig, og komið svo aftur til lífs. Ég bið þig nú að koma inni líf mitt og fyrirgefa syndir mínar, svo ég geti öðlast nýtt líf og verið með þér alla eilífð. Hjálpaðu mér að lifa fyrir þig sem Guðs barn. Amen

Lestu biblíuna og talaðu við Guð á hverjum degi!